

Abschied – Würdigung von Margrit Hirsbrunner Geiger

Margrit het sech im Ruestand zor aktive Methilf i dr Chelepflege entschede, wo anderi säge «die Jonge söle das mache», het sie geseit da mach i.! Das esch ou en Eigenschaft wo Margrit in ere Arbeit i der Chelepfleg uszeichnet. So het si ou öpe wo frog über en Organisation vom ne Alass im Ruhm gestande esch gseit, «das mach i!»

Im September 2014 esch sie in eres Amt gwäut worde. Sie esch vom 1. Januar 2015 bes am 31. Dezember 2017 es Metgled vo öisere Chelepfleg gsi. I de Chelepfleg es sie sehr helfsbereiti und bescheideni Person gsi. I de Diskusione het si engaschiert ond kritischt metgmacht. Sie het sech ou gärn för Belang vo de Seniore igsetzt. So esch ou ne verwonderlech, dass sie d Senioreusflög emmer met veu Fröid organisiert het. Aber ou Verastaltige von de Chele, wie de Osterbrunch oder de Waldgottesdienschd het sie met volem Isatz organisiert.

Näbe de offizielle Setzige händ mer sie als kommunikative ond lockeri Person kenneglehrt. Eri ufgestellti Art met dem asteckende Lache der Rondi guet do. Me het sech wou gfüelt i erem Omfäud. Mer persönlech händ eri trochene Kommentare emer weder überrascht ond zom Schmonzle brocht.

D Margrit läbt met erem Hans in erem Elterehus im Oberdorf. Eres chline Höndli esch de ständig Begleiter. Näbedra het se no en grossi Voliere mit ganz vel bonte Kanarievögeli. Wenn mer oms Huus ome louft geset mer no en anderi Lieneschaft vo der Margrit. Sie het en resige bonte Bluemegarte, wo sie vom Früelig bes i Spotherbscht met vel Liebi pflegt. Denäbe reist d Margrit sehr gärn. Vor allem goht sie emmer weder of Südfrankriech go eri Schwöschter bsueche. Gärn dänki ou a de feini Wii vo det, wo mer einisch met ere zäme händ döfe gnüsse!

Leider esch es im Hans in letschter Ziit nöme so guet gange, so das d Margrit emmer me Ziit id Pfelg vom em het müsse inveschiere. So esch es schlossändlech zveu worde no met em Amt i dr Chelepfelg. Obowou sie gärn d Amtsperiode fertigmacht häti, het sie eres Amt im Hans z lieb vorzietig abgäh. Mer vorstönd das!

Margret im Name vo de Chelepflege ond vo de Chelegmeind Örke danke der vo Härze vo die Isatz und dies Härzblout, wo öis ghä hesch! Mer wösche der för d'Zuekonft, Gsondhet Chraft vo öisem Gott. Ganz speziell grad ou jetzt ganz wo er de fescht brucht!

Im Name vo der Chelepfleg Oerke

Oliver Huber